















1765







D I E XVIII. J U L I I.

I N F E S T O

# S. CAMILLI DE LELLIS CONFESSORIS,

Clericorum Regularium MINISTRANTIUM INFIRMIS  
Fundatoris.

• Introitus.

Joann. 13.



Ajorem hac dilectionem  
nemo habet, ut animam  
suam ponat quis pro ami-  
cis suis. *Psalmus 40.* Be-  
tus qui intelligit super  
egenum & pauperem :

in die mala liberabit eum Dominus.  
v. Gloria Patri, &c. Oratio.

**D**eus, qui sanctum Camillum, ad  
animarum in extremo agone lu-  
ctantium subsidium, singulâri charita-  
tis prerogativa decorasti: ejus, quæ-  
sumus, meritis Spiritum nobis tuæ di-  
lectionis infunde; ut in hora exitus  
nostri hostem vincere, & ad cælestem  
mereamur coronam pervenire. Per  
Dominum, in unitate ejusdem.

Pro SS. Symphorosa & septem Filiis Mar-  
tyribus. Oratio.

**D**eus, qui nos concedis sanctorum  
Martyrum tuorum, Symphorosæ  
& filiorum ejus, natalitia colere; da  
nobis in æterna beatitudine de eorum  
societate gaudere. Per Dominum.

Tertia Oratio. A cunctis, vel, Concede  
quæsumus.

Lectio Epistolæ beati Joannis Apó-  
stoli.

1. Joann. 3. 6

**C**harissimi, Nolite mirari, si odit  
vos mundus. Nos scimus quó-  
niam translati sumus de morte ad vi-  
tam, quóniam diligimus fratres. Qui  
non diligit, manet in morte: omnis  
qui odit fratrem suum, homicida est.  
Et scitis quóniam omnis homicida

non habet vitam æternam in semet-  
ipso manentem. In hoc cognovimus  
charitatem Dei, quóniam ille animam  
suam pro nobis posuit: & nos debemus  
pro fratribus animas ponere. Qui ha-  
buerit substantiam hujus mundi, & vi-  
derit fratrem suum necessitatem habé-  
re, & clausit viscera sua ab eo: quó-  
modo charitas Dei manet in eo? Fi-  
lioli mei, non diligamus verbo neque  
lingua, sed opere & veritate.

Graduale. *Psalm. 36.* Os justi meditabi-  
tur sapientiam, & lingua ejus loque-  
tur judicium. v. Lex Dei ejus in corde  
ipsius: & non supplantabuntur gressus  
ejus. Allelúja, allelúja.

v. *Psalm. 111.* Beatus vir, qui timet  
Dominum: in mandatis ejus cupit ni-  
mis. Allelúja.

In Missa votiva post Septuagesimam, omis-  
sis Allelúja & Versu sequenti, dicitur  
Tractus. *Psalm. 111.* Beatus vir, qui ti-  
met Dominum: in mandatis ejus cu-  
pit nimis.

v. Potens in terra erit semen ejus:  
generatio rectorum benedicetur.

v. Gloria & divitiæ in domo ejus: &  
justitia ejus manet in sæculum sæculi.

Tempore Paschali omittitur Graduale, &  
ejus loco dicitur, Allelúja, allelúja.


v. *Ibidem.* Beatus vir, qui timet Dómi-  
num: in mandatis ejus cupit nimis.  
Allelúja.

v. *Osee 14.* Justus germinabit sicut li-  
lium: & florebit in æternum ante Dó-  
minum. Allelúja.



Se-





Sequentia sancti Evangelii secundum Joannem. Joann. 15.

**I**N illo tempore: Dixit Jesus discipulis suis: Hoc est praeceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis quae ego praecipio vobis. Jam non dicam vos servos; quia servus nescit quid faciat Dominus ejus. Vos autem dixi amicos: quia omnia quaecumque audivi à Patre meo, nota feci vobis. Non vos me elegistis: sed ego elegi vos, & posui vos ut eatis, & fructum afferatis; & fructus vester maneat: ut quodcumque petieritis Patrem in nomine meo, det vobis.

*Offertorium. Psalmus 20.* In virtute tua Domine laetabitur Justus, & super salutare tuum exultabit vehementer: desiderium animae ejus tribuisti ei,

*Secreta.*

**H**ostia immaculata, qua illud Domini nostri Jesu Christi immensae Charitatis opus renovamus, sancto Camillo intercedente, sit contra omnes corporis & animae infirmitates salutare remedium, & in extremo agone solatium & tutela, Per eundem Dominum nostrum.

*Pro SS. Symphorosa & septem Filiis Martyribus.*

*Secreta.*

**M**unera tibi, Domine, nostrae devotionis offerimus: quae & pro tuorum tibi grata sint honore justorum, & nobis salutaria, te miserante, reddantur. Per Dominum.

*Secreta.* Exaudi nos Deus, vel, Oblatis, Domine, placare.

*Communio. Matth. 25.* Infirmus fui, & visitastis me: Amen, amen dico vobis: quamdiu fecistis uni ex his fratribus meis minimis, mihi fecistis.

*Postcommunio.*

**P**er haec caelestia alimenta, quae sancti Camilli Confessoris tui sollemnia celebrantes pia devotione suscepimus, da, quaesumus Domine: ut in hora mortis nostrae, Sacramentis refecti, & culpis omnibus expiati, in sinum misericordiae tuae laeti suscipi mereamur: Qui vivis & regnas &c.

*Pro SS. Symphorosa & septem Filiis Martyribus.*

*Postcommunio.*

**P**raesta nobis, quaesumus Domine, intercedentibus sanctis Martyribus tuis, Symphorosa & filiis ejus: ut quod ore contingimus, pura mente capiamus. Per Dominum nostrum Jesum Christum Filium tuum, &c.

*Postcommunio.* Mundet & muniat, vel, Sumpsimus, Domine, beatae Mariae,




s tui  
súp-  
fan-  
s &  
tóres  
Qui

dinis,  
discopi  
a, &  
ri Ur-  
s No-  
ni &  
Sancto  
tificis  
ie Sa-  
Mar-  
1767.  
Regno  
onicas  
Ritu  
in serà

2  
: in  
il  
exo  
Q  
sup  
li  
cu  
m  
ic  
ra  
on  
m  
ob  
ni  
G

















Biblioteka Jagiellońska



stdr0031890







